

Vanzgyangh:《Mauznanz Nyeznoz》Ndaej Daengx Guek Dinfwngz Densi Langhyienj Daihciengj

环江:《毛南傩娃》获全国才艺电视展演大奖

8 nyied 10 hauh, Vanzgyangh Mauznanzcuz Swciyen Vujbwzswj Diuqfoux Banbeizyin daiqbiuj aen yienh neix camgya daih cibsam gaiq “miz yiengh dinfwngz” daengx guek bouxcuz lwgnyez dinfwngz densi doxdax langhyienj. Youq aen Dingyienjboq Cungguek Gyauyuz Densidaiz, doihdaiqbiuj biujyienj 《Mauznanz Nyeznoz》daj daengx guek gak dieg 150 aen doihdaiqbiuj 170 aen cezmuuz ndawde yatyienh okdaej, dued ndaej song hangh daihciengj “daengx guek cezmuuz ndei senjbaz gihdi” “vadaengngoenz hailangh daengx guek bouxcuz lwgnyez dinfwngz densi langhyienj gimciengj”, son’ gyauq lauxsae Liengz Bingh ndaej bingz guh “daengx guek bak giengz dinfwngz lauxsae”.

Ciuq cam rox, “miz yiengh dinfwngz” bouxcuz lwgnyez dinfwngz ndei langhyienj aen hoihhoengh dinfwngz bouxcuz lwgnyez neix dwg dangqnaj aen guek raeuz gaep cei q sang, youz Cungguek Dinfwngz Gyauyuzgyah Hoihlienhab、Miz Dinfwngz Daengx Guek Cujveijvei、Cungguek Lwgnyez Yinhyoz Yozvei daengj danhvei lienhab gawjbanh, cezmuuz loihbied faen miz swnghyoz、giyoz、diuqfoux、vah、heiq daengj, vih gyoengq bouxcuz lwgnyez ndiepgyaez dinfwngz haenx dapguh diuz giuz langhyienj dinfwngz he.

(Cwnz Gvanghgoh/陈光科)



▲Aen ciengj.



▲Hab'ingj.

◀Mbaw sawciengj.



▲Gien cienz yienhciengz.

Dasinh:Haiguh Aen Hoz-dung Simndei Banghag

大新:开展爱心助学活动

8 nyied 22 hauh, Dasinh Yen haiguh aen yizsi gienbang hozdung bi 2018 “Cingz nangq Dasinh simndei banghag doengzsim guh muengh coenghrengz banggungz”.

Dangngoenz, aen yienh neix gungh sou ndaej 174 gya simndei giyez、bouxguhseng’ei q caeuq bouxsimndei gien cienz banghag 81.6278 fanh maenz, gungh hawj 126 boux daihagseng moq gauj hwnj bwnjgoh hoh gungzhoj guhdangj laebgaj haenx bangcienz. Aen yienh neix yungh gij cienz neix bangcienz boux hagseng gungzhoj gaujhwnj itbwnj haenx moix boux mbatdog hawj bangcienz 6000 maenz, bouxhagseng gungzhoj haujhwnj ngeihbwnj haenx mbatdog hawj bangcienz 5000 maenz, bang doenghboux hagseng ndei gungzhoj haenx gajgez le saedsaeh hojnanz, ndaej saedyienh le muenghsiengj gouzhag.

(Liengz Gveivah/梁桂花 Cau Yicingh/赵玉清)

Lozcwngz:Ciet Cawqsawq Makit Hom

罗城:处暑时节 葡萄飘香

8 nyied 23 hauh dwg ciet cawqsawq, Lozcwngz Mulajcuz Swciyen youq Swjbaj Cin Denhsangh Makitcw Gihdi gawjhengz angqcoux daih’ it aen ciet demsou nungz-minz Cungguek nem bi 2018 Lozcwngz makitcw canjyez doigvangq gaisau hozdung, caenh’ itbough daezswng daengx yienh binj-baiz makitcw hawciengz cihmingzdu caeuq yingyangliz, bangcoh banggungz canjyez.

Aen yienh neix daj 2012 nienz hainduj, dawz hwngfat canjyez makitcw caeuq cawqleix sizmozva caeuq vutgungz gunggeng gaenjmaed giethab, okdaiz le cwngcwz bangruz hwngfat canjyez makitcw, diuh-doengh le vunzlai ndawluog gij gaenx-maenxsingq hwngfat makitcw. Dangqnaj, daengx yienh ndaem makitcw cungj menciz dabdaengz 8 fanh moux, ndawde 3000 lai aen hohgungzhoj camgya ndaem 2 fanh lai



▲Gvaaciet angahoh gwnlaej vienjheia.

moux. Bi 2018 daengx yienh gaenq miz 4 fanh lai moux makitcw dawzmak ndaej sou, yawhgeiq mak singisien canjlieng dabdaengz 1.5 fanh dun.

(Mungz Cwnghswh/蒙增师)

Gunghcwngz:Gingq Foux Naek Saw Vwnzva Swnjcienz

恭城:崇文尚武 传承文化



▲Doegsaw.

Gunghcwngz Yauzcuz Swciyen cwkmom fungfouq swhyenz vwnzva conzdungj ndei. Geij bi neix daej gyoengq Yauzcuz beixnuengx Gvanhyinh Yangh Ciuhsanh Cunh daihlig haivat conzdungj vwnzva lij laebbaenz le Yauzcuz guenj hoenxgienz、guenj doeg sawlaux daengj, daihlig doigvangq swnjcienz gij cingsaenz Yauzcuz gingq foux naek saw, caeuq dangdieg Bouxcuengh、Bouxgun daengj minzcuz doxhuz caemhyouq, gaenxmaenx dawz Cunghvaz vwnzva conzdungj ndei fazyangz hwngfat.

(Cwng Ciminj/郑智敏)